

Deficultà

Mesan

Lunghëza te km

3,4Km

Dureda te h

01:15

Deslivel

+ 150m - 140m

Eingezeichnete Tour

Descrizion dla jita**A ce fusties ti jons'a do ntan chësta jita?**

Gherdëina, che fova mo dan puec dejeneies scialdi carateriseda dal'agricultura, devënta tl 1900 n zënter mpurtant dla produzion d'ert sacrela tla Monarchia asburgica. Depierpul se muda nce l cialé ora de Urtijëi. L vën njinià ite berstotes da zioplé, da marangon y da moler y cun si suzes ruvel te Gherdëina nce l bënsté- nia mé tla cëses ala bona, ma nce te villes mondanes. Les ie urientedes ai modiei dla capiteles europeiches y conta na storia unica: l cunliamënt soziel y culturel cun l prugres industriël tl'Europa.

Cie iel pa da udëi?

La jita che mëina ala villes y berstotes dla fin dl 19ejim y prim 20ejim secul ie ntëur n 3,4 km longia, l tēmp da jì a pe ie de feter n'ëura y n chert (1,5 h), l dislivel de 150 metri. Chësta jita vën nce piteda dal Museum coche raida meneda, che tol sëurapro mo ite la ustaries y i albiercs cun passa 100 ani de storia, y che dura n doi ëura y mesa.

Ulà nes mëina pa nosta jita?

Pion via dal Museum Gherdëina y jon tres la streda Rezia passan pra la Villa Venezia, la Villa Argentina y l Lizeum d'Ert "Cademia" su nchin pra la Cèsa bruma. Tlo raidons a man ciancia tla streda Stufan y passon pra la Villa Runggaldier, la Villa Margherita y la Villa Rifesser. Tla streda Stufan passons nce pra la Villa Grohmann y jon pona inant de viers dla dlieja.

Puech dan la dlieja mëina n pitl troi ju sun la promenada. Jan tres l tunel La Curta ruvons pra la stazion a val dla furnadoia de Secëda y per la streda Roma dala cëses Doss y Costa. Passon pona via la stazion a val dla ferata a cremaliera de Resciesa y ruvon pra la cëses Lenert, Villa Rudolfine y Villa Martiner.

Sainsom raidons a man ciancia tla streda Scurcià nchin tala Sonnenburg y la cèsa da Jumbierch/Lusenberg. Da iló vala inò de reviers tl zënter dl luech y dala dlieja. Pra l ncrëusc sun Col de Mureda udons a man ciancia Plan de Mureda, la villa plu vedla dl luech y pra l puent de Pana la cëses Bugon y Pana, n iede la sëntes de doi ferleigheri de chiena de suzes.

Ogec dla jita


1.



MUSEUM GHERDÈINA

Na udleda tla storia milenera de Gherdèina


2.



VILLA VENEZIA

N iede n mulin, pona na sia y ala fin n atelier d'ert


3.



VILLA ARGENTINA

N proiet gigant, n paesc fulestier, na cësa


4.



LIZEUM D'ERT "CADEMIA"

Metuda su coche berstot de furnazion per scultëures suvenziuneda dal Stat

5.



T AFLÀ DE NA STUA PREMIÀ

Lëur de scoles de Gherdèina premià a Paris

6.



RELIEF DE NA CUMPOSIZION DE MOTIFS DA NADEL

La storia da Nadel zipleda y depënta


7.



CÈSA BRUMA (VILLA STILLHEIM)


Abitazion de n costrutëur de auteresc premià

8.



VILLA RUNGGALDIER (ROTHAUS, ENGELSBURG)

La "Engelsburg" cuecena

9.  **VILLA MARGHERITA**
Luegia de nridlamënt storica, berstot de costruzion d'auteresc de mpurtanza
10.  **VILLA RIFESSER**
"Jugendstil" y eroesc dla nsurezion dl Tirol
11.  **VILLA GROHMANN**
Villa dl'ëuta dl secul de n moler de scultures
12.  **CÈSA DOSS**
Vedla berstot da moler per ert sacrela
13.  **CÈSA DA COSTA**
Sënta dla firma de ferleigher y prima stua da giamië valuta
14.  **CÈSA LENERT**
Scultura sacrela per cater generazions
15.  **VILLA RUDOLFINE**
Detlarazion d'amor cun bedaia d'or
16.  **CÈSA SCURCIÀ**
Scultëures y disco music
17.  **VILLA MARTINER**
La villa de n furnidëur de chëurt

18.



VILLA SONNENBURG

Dal vedl mulin a n'abitazion dl'ëuta dl secul

19.



CÈSA "LUSENBERG" DA JUMBIERCH

Berstot de scultura y pitura de Josef Moroder

20.



URTIJÈI TL ANN 1860

Udleda retrospectiva depènta tl 1925

21.



"DER LEIERMANN"

Critica soziela cun l sunadëur d'orgun da mené


22.



CÈSA PLAN DE MUREDA

Dala cèsa da sté d'instà ala sènta de na firma


23.



TOFLA DE MOSTRA DE POPES DA LESURES

N articul d'espurtazion de suzes: la popes cun lesures


24.



CÈSA BUGON

Sènta de un di plu vedli ferleigheri de chiena

25.



MOLETA Y PORTACONDLA

Sortimènt de "marcanzia blancia" de marueia

